

欽定古今圖書集成

方輿彙編職方典



欽定古今圖書集成方輿彙編職方典

第五百八十七卷目錄

成都府部彙考三

成都府山川考二

水利附

成都府城池考

成都府關梁考

職方典第五百八十七卷

成都府部彙考三

成都府山川考二 水利附

總志州縣志合載

本府 成都縣附郭

蜀中諸水咸出岷山江源在羌地之列鵝村所謂半膊嶺者分爲二派一西南流爲尖囊大渡河一正南入溢村至石紐過汶川歷今灌縣境又有湔水出焉灌之上流西北十數里有水出

尤溪口又數十里有水出白沙口同會於灌經灌西南流者今謂之南江卽禹所導岷江正流自秦李冰鑿離堆引江水循灌城東注北折於是始以東南正流爲南江經離堆薄灌城而東北注者爲北江北江出自寶瓶口穿三泊洞而北注者爲外江自寶瓶口直東入五斗口而東北注者爲內江蓋北江折爲二江並南江而三其北行入五斗口一支在南北二江之上故以內江別之外江北經崇寧彭縣新繁漢州界出

金堂峽內江東經郫縣崇寧界下過府城北南會府城前江以趨於彭合彭山金堂諸水會於瀘州合縣涪諸水並嘉陵江經合州會於重慶合碶雅諸水會於嘉定合松潘之西南入尖囊大渡河者會於叙州遠近溉田不可勝計然各府塘堰皆民間自修官課其成而已獨李冰所鑿離堆山設立都江堰在岷江中流時歲工費巨萬元至元元年廉訪僉事吉當普建用白石包砌諸堰爲石門以時啓閉明初加意水利州

縣與軍衛屯所共役人夫五千竹木工料計田均輸修葺堰得不壞成化九年巡撫都御史夏垣以遠人赴役不便將郫灌二縣雜派科差均敷得水州縣專備工料以供堰務弘治九年添設按察司僉事一員專一提督都江堰各府州水利於時灌縣知縣胡光伐石冶金卽舊址湫砌爲防貫以鐵錠柱三各長一丈二尺使當湍勢石堤中貫鐵處固以油灰直長一十五丈高一丈三尺闊五尺首闊一丈二尺用鐵三萬二

千二百餘石高廣丈餘長倍之桐油五百麻線二百木二千五百各色工役計二十五萬三千二百有奇正德間水利僉事盧翊親詣督理疏濬直抵鐵板得秦人所書六字訣曰深淘灘淺作堰大書觀瀾亭上以昭永鑒先是每年起工役有不均之嘆翊乃下令以糧三石派夫一名分八班凡八年一周而蜀府每年亦助青竹數萬竿委官督織竹籠裝石焉明末丁亂修葺無人都江堰衝決數百丈沙石填淤非復秦碑之

所誓矣

皇清順治十六年巡撫都御史高民瞻監軍道程翔鳳合文武捐銀二千兩雇募番徠修築開濬暫資灌溉然每歲當春或遇恆暘水苦不足欲重修故堰以障狂瀾工役之費動需巨萬乃上無公帑之儲下少疏鑿之衆惟恃蒞茲土者先事督修少通故道則溝洫畎澮皆注澤流膏矣人字堤 長三十八丈高八尺康熙丙戌年冬大中丞熊同藩臬兩司督成都府屬九邑同築

新堤 長八十三丈高八尺原五丈在三伯洞

口與人字堤同時築

溫江縣

驟子壩 去縣東十五里

謝家壩 去縣西十五里

狄家漕 去縣南十里

顏家壩 去縣西七里

水草壩 去縣北十里

謝家漕 去縣南十五里

新繁縣

縣制水李韓羅四村灌田之水始於灌縣三百
洞每年撥夫赴灌縣合工修淘謂之都江大堰
民實利賴焉

金堂縣 水利未載無考

仁壽縣 水利未載無考

新都縣 水利未載無考

井研縣 水利未載無考

郫縣 水利未載無考

資縣 水利未載無考

灌縣

都江大堰 在治西河北岸巡撫四川都察院

右副都御史佟鳳彩題定修灌縣都江大堰排

夫條例於先年十月起至次年三月清明告竣

成都縣大修額夫一百三十五名小修額夫四

十五名

華陽縣大修額夫一百三十五名小修額夫四

十五名

郫縣大修額夫三百三十九名小修額夫一百一十三名

新繁縣大修額夫九十名小修額夫三十名

崇寧縣大修額夫六十九名小修額夫二十三

名

金堂縣大修額夫九十名小修額夫三十名

溫江縣大修額夫一百八十名小修額夫六十

名

新都縣大修額夫三十六名小修額夫一十二

名

灌縣大修額夫六十九名小修額夫二十三名

又本縣舊設石牛小堰 在治西河南灌溉本

縣滋茂其亭大樂及崇慶州田畝每遇隆冬水

涸乘時運砌籠石兩地居民計糧出夫分工修

濬今仍舊制

安縣 水利未載無考

內江縣

長堰池 去治南三十里灌溉稗木里田

資陽縣 水利未載無考

簡州 水利未載無考

崇慶州

崇之水利其源始於岷山經灌縣白沙口別分一支由灌縣之筏村南入而為沙溝河又分為白馬河又分為黑石河居民築堰以溉田至今利賴焉一支自三江口繞青城之南出崇之街子場是謂味江與白馬合左折而繞州治之南右折而與灌水會過新津至江口合府河而匯

於嘉陵司茲土者三冬預為修築則不溢不涸斯農政之要務也故備載之

新津縣

通濟堰 明萬曆間開闢崇禎時巡上南道委

官督修利濟彭眉青等州縣縣治境內併食其

利

蕎草堰 數堰俱引金馬河水

五所堰 在治東路牧馬山下引楊柳河水

大寺堰 去治北十五里與崇慶州接壤至萬

集鎮引西北河水

十里堰 去治北十里至太平橋北關外引西

北河水

三里堰 去縣治東北二十里

鱧魚堰 去縣治東北二十里

金馬堰 去治西北十五里

七里堰 去治東北十里至白溪嘴俱引楊馬

河水

漢州 水利未載無考

什邡縣 水利未載無考

綿竹縣 水利未載無考

緜州 水利未載無考

德陽縣

孝泉 在治西北四十里卽漢姜詩孝感躍鯉

泉也至今民獲灌溉之利

茂州

白水 源出龍泉山居民引之灌溉甚利西注

於江

汶川縣 水利未載無考

威州 水利未載無考

保縣 水利未載無考

成都府城池考 總志州縣志合載

本府 成都縣附郭

成都府城池 卽會城大城創於張儀小城築

於楊秀羅城增於高駢後程戡盧法原王剛中

范成大先後修葺明趙清甃以磚石陳懷復浚

池隍明末甲申獻賊毀壞

皇清康熙初巡撫佟鳳彩張德地藩司郎廷相臬司

李紳霄知府冀應熊共捐貲俾成華兩知縣張

行張暄督築完固

外州縣

溫江縣城池 石城明成化間知縣李棠所築

周圍六百六十一丈為門五昭化阜成廣安末

寧進賢正德間知縣段善鑿池深八尺闊一丈

按縣志崇禎十一年知縣施之炳於城之東南

西北添置敵樓四座

新繁縣城池 石城明正德間僉事戴書督知

縣周鸞包砌周一千二百丈高一丈五尺四門

鑿池闊一丈五尺知縣鄧士奇補修合堞

金堂縣城池 石城明成化中知縣王賓所砌

高一丈七尺周九百五十二丈上建四樓門四

康遠長寧義安永靖外環以壕

皇清知府冀應熊知縣董煜捐修城樓二座城門四

處又遭叛逆焚燬頽廢僅存基址

仁壽縣城池 四山岌業歷代無城明正德七

年巡道僉事郝綰巡視東西南三門稍平督令

築石城三百餘丈尋頽繼築石城七十五丈高

一丈五尺僅圍衙舍東向開城門一座上立鼓

樓

新都縣城池 石城明正德初知縣張寬百戶湯聘莘所砌高一丈八尺周一千餘丈外環深池上爲四樓知縣韓奕以南門臨河增置月城井研縣城池 土城明成化初知縣宋鑑周鈞築上覆以樓弘治間主簿李紹祖以石包砌門四啓東鎮南寧西拱北正德間知縣裴文錦擴之高一丈五尺周六百二十丈覆樓櫓西北增門一望江外環以壕

郫縣城池 土城明天順間知縣唐節築成化初知縣錢澹增高共一丈五尺周一千八百餘丈開門四各置樓正德間知縣李時暢重修二資縣城池 西魏恭帝二年創築土城西北依山東南臨河方三里唐韋臯因舊修之宋余玠重修元末圯廢明弘治間知縣鄧槩乃拓其東北隅羅重龍山俱甃以石正德嘉靖間知縣丁裕嚴傑施一中主簿宋經相繼繕治然遇雨水亦輒崩圯嘉靖乙丑歲川東大足縣山賊倡亂

知縣吳宗堯增加修築較前稍完固方八百九十四丈六尺五寸高一丈六尺五寸厚八尺爲城門九

皇清以來無所更易雖歲久頽圯多半而崇墉猶有壁立之象焉

灌縣城池 石城明洪武中樹木爲柵弘治中知縣胡光包砌周圍九里七分共一千六百二十丈零七尺高二丈一尺城形西北角包登高金龜二山東南係平地西北形勢灣曲東南形

勢方長繞以隍壕樓四省耕閱清懷遠拱極門四宣化導江宣威鎮安崇禎甲申獻逆之變城樓燒燬牆堞倒塌錢糧告匱人民稀少未經修復

安縣城池 舊爲石脚土城明成化初知縣蕭光甫所築高一丈八尺闊一丈一尺周五百三丈門四資陽安仁臨江定遠上各有樓池深廣各一丈崇禎癸未知縣紀于竹與邑紳李鑑議建磚城經修完固劫亂樓塌城垣倒壞未修

內江縣城池 石城建自成化五年十月高二
仞一尋厚一丈五尺周九里三分城堞三千七
百二十一上覆以屋下爲門八正門四朝東鎮
西向南拱北副門四觀瀾通川景陽瞻極城東
北臨江南倚山西以通川之溪爲隍皆成化初
知縣謝熙所砌崇禎甲申獻逆屠城傾圮

皇清順治十七年知縣習全史重修西南二門

資陽縣城池 明成化十一年知縣郭方以石
創甃四門二十年知縣王澄始築土城下砌以

石基上覆以木瓦高一丈五尺厚六尺有半延
袤一千六百丈四門各建城樓而榜以名之東
曰臨津西曰通衢南曰慶明北曰環秀正德壬
申知縣溫舉重葺而崇厚之易木瓦而通覆以
屋若干楹十一年知縣張鳳羽恐樓櫓狹小易
壞又用巨木以增廣之而城益壯觀焉自獻賊
猖狂城郭丘墟

皇清底定以來屢奉文修理因人民稀少工費浩繁
姑待生聚之後徐議耳

簡州城池 石城東抵江月樓西抵絡水溪高

三丈立三門明成化間知縣張翔加修正德中

知州王良重修崇禎甲申年獻逆屠城傾圮

皇清康熙四年知州王孫盛修北城樓一座并四城

門

崇慶州城池 土城明成化間知州周尚文築

高一丈五尺周一千六百八十八丈上覆瓦下

為四門崇禎甲申逆賊毀壞

皇清康熙六年知州藺開禧修葺體制如舊

新津縣城池 土城明成化間知縣唐昭始築

正德間知縣田穀包砌以石周九百餘丈高一

丈餘池深一丈三尺寬一丈五尺城上有樓

漢州城池 明天順中知州李鼎州判王瑛築

土城正德間僉事郝縮用石包砌高一丈八尺

周一千一百四十一丈闊一丈五尺樓四門四

池深一丈闊一丈

什邡縣城池 石城明正德八年知縣王選砌

周六百九十七丈高一丈八尺闊一丈

縣竹縣城池 石城建自明天順初年高一丈二尺厚一仞周圍六百三十二丈方廣三里五分城堞三千七百樹五門東南西北小西浚泉為壕正德間知縣邢大經補砌崇禎丁丑流賊犯蜀城卑薄立陷賊去知縣陸經術捐金倡率紳士重葺高厚稍加迄今歷變傾圮無存

皇清康熙二十五年知縣徐世法先立城門以司啓

閉

絲州城池 土城宋時推官歐陽觀所築成化

初知州甯鴻以石包砌周九里有奇高一丈八尺闊一丈一尺弘治中知州江洪增修外環以

壕

德陽縣城池 石城明天順初典史朱紀及正

德間知縣姚瑛相繼修完周一千三百丈高一

丈六尺闊八尺壕闊一丈門五旌陽孝泉廣居

迎恩西城

茂州城池 漢唐以來舊無城惟植鹿角為衛

蠻累以昏夜入州掠人畜貨民甚苦焉宋熙寧

間屯田員外郎李琪知茂州始請築城繞民居八百餘步命下成都府鈐轄司度其利害適李琪罷去大理寺丞范百常知茂州極言其利決意築之既而蠻長數稱城侵其地乞罷築百常不許九年三月始興築於是靖州蠻數百奄至百常率州兵擊斬數人蠻乃退百常遷民入牙城明日蠻數千人四面焚鹿角及廬舍引梯衝攻牙城矢石雨下百常悉衆乘城拒守二蠻長爲木橛所傷蠻兵乃却茂州南有鷄宗關通永

康軍東有隴東道通緜州二路險要皆爲蠻所據聲援遂絕百常募人間道詣成都又書木牌數百投江順流告急朝廷遣內侍王中正將蜀緜兵救之蠻始解圍誓和乃築土城聊備捍衛元時因之至洪武初丁玉以御史大夫掛平蠻將軍印克復松茂土知州楊者七以城獻指揮僉事楚華等依舊址設州治重修新城易以磚石高三丈周圍三里方廣六百三十丈堞口五百一十九建東西南北四門豎四城樓東曰東

勝南曰南明西曰西平北曰北定引三溪水入城以灌園圃後巡撫都御史許庭光復於四門環以甕城建四角樓置巡警鋪二十四仍積槁石樹旗表中建鼓樓於城內額曰萬里天威樓上有鐘鼓式靈四字高望數里實茂州巨觀也後弘治六年叅將房驥以城西面臨江岸最險南接外關可無壕於東北二面鑿壕闊三丈深如之後西平樓燬於火幾五十年嘉靖間兵備副使朱紉總兵何卿叅將周繼勳重修之闔闔

壯麗至康熙二十五年夏江水泛溢直注西門城脚隄圯土崩則今日之修防築隄以爲砥柱者不能不汲汲也

汶川縣城池 縣古城在今威州城山腰平處明弘治中知州趙符節千戶趙方共砌後因威州借汶川縣地成城包汶之玉壘古城二山在內城遂廢今舊址尚存新城係明正統七年知縣李明砌石城周圍一百四十丈高一丈門二門上有樓按漢之懸虎晉之汶川及梁周隋唐

所名當係威州古城坪舊城非今之汶川縣城也

威州城池 石城明弘治中知州趙符節千戶趙方包砌周六里每里一百八十丈高二丈二尺正德初兵備王恩叅將馬隆知州崔哲指揮魯文相繼修理城形西南角包玉壘山姜維城東南形圓西北一帶長北臨岷江明季時水衝圯壞舊設門四玉壘湧水安遠平彝今止開玉壘安遠二門

保縣城池 石城明洪武間總兵丁玉所砌周二百一十二丈高二丈五尺闊九尺東西二門有樓正德初典史成銳重修按縣志萬曆間增外城南包山今圯燬

成都府關梁考

通志府州縣志合載

本府

成都縣附郭

駟馬橋 在府城北門外取相如題柱之意

浣花橋 在府治西門外舊名大市橋

笮橋 在府城西四里桓溫伐蜀陳兵於此

昇仙橋 在府城北七里司馬相如嘗題柱云

大丈夫不乘駟馬車不復過此橋

普濟橋 在昇仙橋左

金花橋 在府城中衛大街舊有坊今廢卽市

橋也

寶蓮橋 在蜀府遵義門前

金水橋 在長史司前

青羊橋 在府治西南

廣福橋 在縣北三十五里

建昌橋 在縣西南

竹箐橋 在縣西四里

金泉橋 在縣西十里

遇仙橋 在青羊宮左

舊浣花橋 在青羊宮右以上俱存

濯錦橋 在府治東門外其下江水濯錦鮮明

萬里橋 在府治南門外舊名七星寰宇記昔

孔明於此餞費文禕聘吳曰萬里之行始於此

矣又唐史載明皇狩蜀過此問橋名左右對以

萬里明皇嘆曰開元末僧一行謂更二十年國

有難朕當遠遊至萬里之外此是也因駐蹕於

成都焉歷代因之以名原屬石砌高三丈寬半

之長十餘丈勢如飲虹兵火頽圯

皇清康熙五年巡撫張德地布政司郎廷相等率府
縣官捐俸重修仍覆以屋題其額武侯餞費禕
處知府冀應熊大書萬里橋三字勒石

錦江橋 在府治東錦江街

南虹橋 在府治南一名安樂橋

金津橋 在府治東門內下蓮池

金水橋 在府治東門內

洪濟橋 在府治東門外明萬曆中布政使余

一龍監建以鎖水口為洞者九其南岸即迴瀾

塔為形勝壯觀即今俗呼新橋是也

蕭公橋 在廢藩金水河西蕭公廟左

洗面橋 在府治南一里

園通橋 在府治南二里

度人橋 在府治南門外沙河鋪右

龜化橋 在府治南金水河之東俗呼青石橋

流芳橋 在府治東黃水河

普安橋 在府治東水津街

濟氏橋 在府治東門外梓潼鋪左

永清橋 觀音橋 桂溪橋 俱在府治東五里

溫江縣

景陽橋 在縣治東門外

長安橋 在縣東一里萬曆年間建橋樓兩岸

砌石為堤兵火傾頽康熙五年修建土橋後復

圯至二十四年重修

冢家石橋 在縣東三里

新飯店石橋 在縣東四里

文殊寺西石橋 文殊寺東石橋 俱在縣東

十里

螺河橋 在縣東十二里橋樓匾曰朝陽橋

王家橋樓 久廢今建土橋

蘇坡橋 古建石橋五洞久傾今建木橋樓

長石橋 在縣東二里

紀家橋 在縣東十里橋樓久廢今重建

投家橋 在縣東十三里久廢今建土橋

陳家橋 在縣東十五里

石灰橋 在縣西門外石建

高橋 在縣西一里橋有樓兩岸砌石兵火傾

頽康熙五年修二十四年重修

雙鳳橋 在縣西二里橋有樓久廢

楊柳河橋 在縣西二里板橋久廢

傭工橋 在縣西三里

金馬橋 在縣西五里古板橋今建以土

胡家橋 在縣西十里今建板橋

韓家橋 在縣西三里石建

判官橋 在縣西四里石建

曹家橋 在縣西六里石建

鄭家橋 顏家橋 俱在縣西七里石建

牟家橋 在縣西八里石建

鎖江橋 在縣南一里土建

任家橋 在縣南二里古石建

五洞橋 在縣南四里土建

捲洞橋 在縣南十里上下捲洞二座古石建

劉家橋 在縣北一里石建

踏水橋 在縣北八里石建

馬壩橋 在縣北十里土建

鄆家橋 在縣西北二十里土建

廖家橋 在縣西北二十五里縣民廖時清建

楊柳渡 在縣西門外

廖家渡 張家渡 龔家渡 俱在縣西十里

駱家渡 在縣西南十二里

老婁子渡 在縣東南十五里

楊五渡 在縣北四十里

吳家渡 在縣南八里府河

三水渡 在縣西十里

新繁縣

九井橋 在縣治南

通濟橋 在縣治南三里

太平橋 在彭縣治東二里

斗城橋 在彭縣治北二里今併入新繁縣

金堂縣

集賢橋 在縣治內

繡川橋 在縣治南一里

玉虹橋 在縣治東三里

薛伏橋 在縣治北二里

三仙橋 在縣治西二里

通濟橋 在縣治南四里

高土橋 在縣治西六里

貴通橋 在縣治西北十里

利濟橋 在縣治西七里

上方橋 在縣治南九里

馬坪橋 在縣治西十二里

鎖江橋 在縣治東三十三里

古城橋 在縣治北一里

躍龍橋 在縣治東四十五里

通海橋 在縣治東七十里

斜灘渡 在縣治東南

仁壽縣

文林橋 在縣東一里明末廢

挹仙橋 在縣東半里

蔭德橋 在縣治北十五里

白店橋 在縣治北一百里

小蘭橋 在縣治北六十里

官渡橋 在縣治東南七十里

新都縣

清源橋 在縣城南門外楊太保重修

學士橋 在縣治南一里太師楊公建

德陽王橋 在縣治南十里舊名大小毘橋水

勢極險往來病涉德陽王創建因名

井研縣

馬兒橋 在縣治南百步

龍門橋 在縣治南十五里

雲梯橋 在縣治南三十里

通川橋 在縣治北一里

郫縣

宋公橋 在縣治西門外

八里橋 在縣治石馬鋪承奉宋景修

雙玉橋 在縣治西北十五里

鯤化橋 在縣治東北

竹瓦橋 在崇寧縣治內今併入郛縣

資縣

東溪橋 在縣治東二里

武陵橋 在縣治南一里

唐明渡 明皇幸蜀憇此故名

灌縣

玉壘關 在縣治西一里又名鎮彝關乃彝人

往來之衝

蠶崖關 在縣治西四十里後周立今廢

鹽井關 在縣治西五里白沙河東今廢

水西關 在縣治西十里白沙河河南今廢

獠澤關 在縣治西六十里乃生番出入要路

今隸茂叅營設把守一員撥兵防汛

凌虛橋 在縣治西南一里今廢

龍溪橋 在縣治西十里今廢

未利橋 在縣治宣化門外

觀文橋 在縣治東北

步雲橋 在縣治前

利涉橋 在縣治西

金繩渡 在縣治西四十里今廢

飛赴渡 在縣治東南二十里今廢

筒槽渡 在縣治東南四十里今廢

虛閣棧道 在縣治西七里

安縣

曲山關 在縣治北通松龍要路

小壩關 在縣治西防番人自茶坪出者今廢

睢水關 在縣治西四十里西北通茂州番人

今設兵把守

綠溪橋 在縣治西通省

天生橋 在縣治南

小架橋 在縣治西

雍峙橋 在縣治東

南津渡 在縣治南門外通省大路

大堰渡 在縣治北通松龍孔道

轉岩渡 在縣治東二十里通綿州大路舊俱

行船有渡夫今皆廢

內江縣

裨木關 在縣治南三十里裨木鎮舊設巡檢

一員江口題錦城第一關渡船一隻

浮橋 在縣治東北津渡處有船一隻

通濟橋 在縣治西二十里

三元橋 在縣治東八里

太平橋 在縣治南五里

資陽縣

資溪橋 在縣治西二里

文明橋 在縣治南二里今廢

鳳凰橋 在縣治東二里

臥龍橋 在縣治內西城有臥龍岡故名

拱宸橋 在縣治東九里

飛虹橋 在縣治東十三里

迎仙橋 在縣治東二十一里

老君橋 在縣治東二十里

雙溪橋 在縣治東四十里

觀音橋 在縣治西五里

會溪橋 在縣治西十一里

普濟橋 在縣治西十二里

臨津橋 在縣治西四十里今廢

鴈江渡 在縣治東一里

崑崙渡 在縣治北十五里

簡州

石橋 在州治北七里

雙仙橋 在州治北十里

觀音橋 在州治西九里

鎮宅橋 在州治東二里

濟川橋 在州治北數十武明成化二年剏建

以後相繼修作高凡九十尺有奇橫三十二尺

直跨四百餘尺上為瓦屋三十餘棟嘉靖間水

衝陷萬曆間重修

折柳橋 在州治北二里許大道中為祖餞之

所劉左史建初名情盡橋唐刺史雍陶更名折

柳橋題詩於其柱

五馬橋 在州治西南五十里五山橫萃形如
五馬飲溪之狀故名

崇慶州

清溪關 在州治西八十里

通遠橋 在州治西十里

迎恩橋 在州治南五里

未昇橋 在州治北

西北渡 在州治西二里有渡船一隻

新津縣

惠政橋 在縣治西一里

石羊橋 在縣治南十里

魚坡橋 在縣治東南三里

武陽橋 在縣治內瘟廟前

興義橋 在縣治東門外

鐵溪橋 在縣治西路

柏木橋 在縣治南路

簇錦橋 在雙流縣治東二十里

唐店橋 在雙流縣治東二十五里

大小街頭橋 俱在雙流縣治東北北岸有報恩寺

蔣家橋 在雙流縣治西南三里

金花橋 在雙流縣治東二十里

笮橋 在雙流縣治東十五里

鴨地橋 按明一統志在雙流縣西五里併入

新津

漢州

三水關 在州治東十里

金鴈橋 在州治北一里

楊源橋 在州治西十里

高宗橋 在州治西十五里唐時建今存

姚景橋 在州治西十五里州人姚景建今存

鎖江橋 在州治北二里一橋鎖二江明劉按

院過此改爲濟川橋

沉犀橋 在州治北姚孟敬題云茅舍竹籬廣

漢淳風存古度畫橋流水曲江佳氣滿沉犀

三水關渡 在州治東十里

石梯橋渡 在州城西十里通省大路

青白江渡 在州城西二十五里通省大路

金鴈渡 在州城北一里通京大路

石亭渡 在州城北二十里通京大路

綿水渡 在州城北三十里通京大路每渡官

船一隻渡夫二名每名工食銀七兩二錢今無

什邡縣

永豐橋 在縣治北十里

龍橋 在縣治東

縣竹縣

睢水關 在縣治北四十五里

迎恩橋 在縣治南二里

衆仙橋 在縣治東一里

縣州

投龍橋 在州治東三里

丹崖橋 在州治北十五里

石盤灘渡 在州治東三十里

飲馬渡 在州治西一里

興福橋 在彰明縣治北七里

末鎮橋 在彰明縣治東十五里

土溪板橋 在彰明縣治西八里

五里渡 在彰明縣治東

洗牛渡 在彰明縣治北一里

孟津渡 在彰明縣治南一里

公平渡 在彰明縣治西二十里

德陽縣

鹿頭關 在縣治北三十里

通澗橋 在縣治東十里

仙人橋 在縣治北二十里

望秦橋 在縣治北三十里

白馬關 在舊羅江縣治西十五里

七里橋 在舊羅江縣治西七里

獅子橋 在舊羅江縣治東三十里

鷄鳴橋 在舊羅江縣治北五十里

茂州

七星關 在州南三十五里設年無考關南棧

道臨江倚崖古稱絕險明嘉靖十九年副使張問之檄把守張懋撤棧鑿崖開修一徑題曰七星天險年來橋邊徑路頻修頻圯關前山有小孔七大孔一穿山而成如七星伴月然故名

鷄禁關

在州南四十里扼羌人出入之路關

在今壁立寨山下

鴈門關

在州南七十里明正統十年黑苦等

番大肆猖獗巡撫寇琛設嘉靖三十一年兵備胡鰲委把守田茂盛重修關臨江據險爲州南

門戶上題有山高水清橫絕峨眉二石額關外以溪爲限溪南卽汶川界

魏磨關

在州北三十里

實大關

在州北八十里明洪武間御史大夫

丁玉設界內有土崖新開路知母壩掃水崖乾溝子丁大夫老虎石俱係雙馬列角巴豬等寨隔江射箭潛渡劫掠之處關外係壘溪界

積水關

按明一統志在茂州東九十里總志

云在汶川縣東七十里今按茂州志及汶川縣

志俱不載姑附於此

鎮西橋 在州治外城西原係軍橋民橋二道
先是明正統間都御史寇琛謀易挑橋材具而
江廣莫可達會北路岐山崩江流塞者終日琛
急命下石併工中砌魚嘴比水面高尋丈上覆
以亭由是江岐而橋修歲易竹木皆本州七里
民並衛軍修葺明末軍橋久廢止存民橋康熙
二十五年夏江漲魚嘴衝裂急待修理
通天石橋 在州治南明門外州人引三溪口

水經其下名曰五福泉明成化間叅將鄒倫建
舊爲鎮遠橋巡撫許庭光更曰通天橋嘉靖間
立坊於橋之前曰神禹鄉邦嘉靖丙午傾圮隆
慶丙寅兵備副使莫如善叅將盛愈謙重建
篩巴橋 在州治南明門外二百步龍洞水經
其下明嘉靖間僧海江建舊呼爲和尚橋蓋方
語以和尚爲篩巴也

任家橋 在州治東五里三溪水經其下今圮
宗渠橋 在州南十五里大溪水經其下源出

九頂雪山先年有木橋溪漲衝頽嘉靖三十五年改修石橋

石鼓橋 在州南二十里知州于敏建

石鼓偏橋 在州南十八里卽古秦漢棧道制也緣崖鑿石架木於上作橋形鋪以木格覆以土石傍以欄杆以便經行

七星關偏橋 在州南三十六里險峻難行明

兵備任公開鑿

青坡偏橋 在州南五十五里

鴈門偏橋 在州南七十里

白水橋 在州南源出龍泉山水經其下色甚

白故名舊有橋盡圯康熙二十五年重修

小溪橋 在文鎮去州南五十里架雙木爲橋

溪水暴漲每歲易修

神溪橋 在州東四十里架木鋪板以通經行

蒿坪石橋 在州東八十里

亞坪石橋 在州東九十里

魏磨橋 在州北二十里新建

長寧橋 在州北六十里如鎮西橋制有索橋
一鐵橋一明時大路由河西過長寧橋達松壘
嘉靖間兵備胡鳳總兵何卿修今路改河東橋
廢久

實大橋 深溝橋 俱在治內今廢

溜索橋 沿大江而下自長寧至青坡約共七
八處以通河西山寨村里其制兩岸立柱股竹
爲索或長百丈短亦六七十丈橫截岷江斲木
爲筒狀如覆瓦繫繩於上凡村民與羌民往來

各以麻繩連筒縛身於索仰面以手攀索而渡
然後登岸解繩雖渡牛馬亦然每處溜索二條
東西各置低昂以筒溜之甚速且便

汶川縣

徹底關 在縣治南五十里岩上設關門二晨
昏啓閉譏察非常爲松茂第一要隘舊設堡官
一員軍兵皆有糧籌今官兵如舊又總志云徹
底關在威州治西一百三十里

茶關 在縣治南一百四十五里關設兩門勢

不甚險一名蠶岩關舊設堡官一員軍兵四名
皆有糧籌今官兵如舊

寒水關 在縣治內

鷄禁關 在縣治南四十五里

鈴繩橋 在縣治西一里名鈴橋者古人掛鈴

其上以防夜盜私行其法中用細竹爲心外裹
以篾絲長四十八丈索用三股合爲一股一尺
五寸爲圓橋寬八尺左右各四繩木掛爲欄以
翼之掛底橫木以扶底底繩用一十四繩上鋪

密板可渡牛馬東西兩頭約五十步平立兩大
木柱爲架長可六丈名將軍柱橋繩俱由架上
鋪過使不下墜東西建層樓樓之下各有立柱
轉柱立柱以繫繩轉柱以絞繩爲八景之一
橋樓 東西兩樓明知縣萬文相建東橋樓圮
知縣葉承恩重建

溜索 三店徹底關興文坪皆設其法用淨篾
絲以爲繩去來各一繫有低昂渡者采堅木刳
削如半邊竹筒長可七寸名曰溜殼殼上有小

孔渡時合於篋繩另用麻繩繫腰穿溜索之小孔縛緊兩手抱溜殼而渡

威州

鎮彝關 在州治西南一百二十里

保子關 在州城西北一里

永鎮索橋 二橋俱在州西北城外鈴繩跨湔

水永鎮跨沱水中間一山為保子關乃漢羌出

入之路其橋篋竿四條以葛藤緯絡布板其上

雖從風搖動而牢固有餘番人驅牛馬往來無

懼舊唐書西蕃君長越繩橋而競款玉門

鎮西橋 在州治康阜門外乃羌人出入之要

路

保縣

鎮彝關 舊設在縣西門外羌番至此為限近

通行無禁

欽定古今圖書集成方輿彙編職方典
第五百八十八卷目錄
成都府部彙考四
成都府封建考
成都府公署考
成都府學校考

職方典第五百八十八卷

成都府部彙考四

成都府封建考

上古

總志

蜀蠶叢氏 昔黃帝為其子昌意娶蜀山氏女

生子高陽是為帝嚳封其支庶於蜀世為侯伯

歷夏商周武王伐紂蜀與焉至蠶叢氏嗣蜀侯

為人縱目周襄王時稱王治瞿上衣青衣勸農

桑死作石棺石槨國人從之故俗以石棺槨為

縱目人家也今雙流縣瞿上鄉有蠶叢城成都及眉州有蠶市其墳在聖壽寺相近地名官員廟稱都安王亦曰青衣神次王曰柏灌次王曰魚鳧皆蠶叢氏之子也魚鳧王田於湔山忽得仙昇去蜀人思之爲立祠焉湔山入都江水今成都府北昇仙山是其遺蹟

杜宇氏 繼魚鳧之後教民務農一號杜主時朱提有梁氏女利遊江源宇悅之納以爲妃移治郫邑或治瞿上七國稱王杜宇稱帝號曰望

帝更名蒲卑自以功德高諸王乃以褒斜爲前門熊耳靈關爲後戶玉壘峩峩爲城郭江潛綿洛爲池澤以汶川爲畜牧南中爲苑囿會有水災其相鼈靈決玉壘山以除水害帝遂委以政事後遂禪位於鼈靈帝升西山隱焉時適二月子鵑鳥鳴故蜀人悲思曰吾望帝也因呼爲杜鵑云

開明帝 名鼈靈既受杜宇氏禪嗣位治郫號曰叢帝叢帝生盧帝盧帝攻秦至雍生保子帝

帝攻青衣雄張獠熨九世有孫開明尚始立宗廟以酒曰醴樂曰荆色尚赤帝復稱王時蜀有五丁力士能移山舉萬鈞每王薨輒立大石長三丈重千鈞爲墓志今石笋是也號曰笋里未有諡列但以五色爲主故其廟稱青赤黑黃白帝也開明王自夢廓移乃徙治成都周顯王之世蜀王有褒漢之地因獵谷中與秦惠王遇惠王以金一笥遺蜀王王報以珍玩之物物化爲土惠王怒羣臣賀曰天奉我矣王將得蜀土地

惠王喜乃作石牛五頭朝瀉金其後曰牛便金蜀人悅之使使請石牛惠王許之乃遣五丁往迎旣不便金怒遣還之乃嘲秦人曰東方牧犢兒秦人笑之曰吾雖牧犢當得蜀也武都有一丈夫化爲女子美而艷蓋山精也蜀王納爲妃未幾物故蜀王哀念乃遣五丁之武都擔土爲妃作冢蓋地數畝高七丈上有石鏡秦惠王知蜀王好色許嫁五女於蜀蜀遣五丁迎之還到梓潼見一大蛇入穴中一人攬其尾掣之不禁

至五人相助大呼拽蛇山崩壓殺五人及秦五女并將從而山分爲五嶺直頂上有平石蜀王痛傷乃登之因命曰五婦冢山於平石上爲望婦塚作思妻臺今其山或名五丁冢初蜀王別封弟葭萌於漢中命其邑曰葭萌焉苴侯與巴王爲好遂與蜀讎故蜀王怒伐苴侯苴侯奔巴求救於秦秦惠王方欲謀楚羣臣議曰夫蜀西僻之國羌戎爲鄰不如伐楚司馬錯中尉田真黃曰蜀有桀紂之亂其國富饒得其布帛金銀

足給軍用水通於楚有巴之勁卒浮大船舶以東向楚楚地可得得蜀則得楚楚亡則天下并矣惠王曰善至周慎王五年秋秦大夫張儀司馬錯都尉墨等從石牛道伐蜀蜀王自於葭萌拒之敗績王遜走至武陽爲秦軍所害其傅相及太子退至逢鄉死於白鹿山開明氏遂亡凡王蜀十二世自開明而上至蠶叢凡四千歲秦

蜀侯通國 姓嬴氏秦惠王子也周赧王元年

秦已得蜀封其子通國爲蜀侯以陳壯爲相久之陳壯反殺通國秦遣庶長甘茂張儀司馬錯復伐蜀誅陳壯更封子惲爲蜀侯惲祭山川獻饋於秦孝文王惲後母害其寵加毒以進王王將嘗之後母曰饋從二千里來當試之王與近臣近臣卽斃文王大怒遣司馬錯賜惲劍使自裁惲懼夫婦自殺秦誅其臣郎中令嬰等二十七人蜀人葬惲郭外更封綰爲蜀侯綰聞惲無罪冤死使使迎喪入葬之郭內初則炎旱三月

後又霖雨七月車溺不得行喪車至城北門忽陷入地中蜀人因名北門曰咸陽門爲蜀侯惲立祠其神有靈能興雲致雨水旱禱之其後十餘年王復疑綰反誅之但置蜀守張若因取笮及其江南地焉

晉

成都王穎 姓司馬氏武帝子太康八年受封十年遣諸王假節之國督諸州軍事乃以蜀郡廣漢犍爲汶山十萬戶爲王國易蜀郡太守號

爲成都內史元康九年以成都王穎爲平北將軍鎮鄴時蜀中有趙廞之變未幾爲李雄所據中朝自趙王倫稱逆以來諸王遞相屠戮穎亦奔據不常光熙元年竟爲頓丘太守馮嵩執送范陽王虓幽之虓卒長史劉輿以穎素爲鄴人所附恐復爲變矯詔賜死穎官屬皆先逃散惟盧志不去至是收而殯之

隋

蜀王秀 姓楊氏文帝子初封越王改封蜀王

開皇元年九月以秀爲益州總管二年爲西南行臺尙書令元巖爲之長史仁壽二年徵還京師秀容貌瑰偉有膽氣好武藝帝每謂獨孤后曰秀必以惡終我在當無慮至兄弟必反矣自長史元巖卒秀漸奢僭車馬被服擬於乘輿及晉王廣爲太子秀意甚不平太子恐其爲患陰令楊素求其罪而譖之帝遂徵秀旋以獨孤楷爲益州總管馳傳代之秀至長安帝不與語使使切讓之秀謝罪帝曰頃者秦王糜費財物我

以父道訓之今秀蠹害生民當以君道繩之於是付執法者開府慶整入諫帝大怒欲斷其舌因謂羣臣曰當斬秀於市以謝百姓乃令楊素等推治之太子陰作偶人縛手釘心枷鎖杻械書帝及漢王姓名密埋之華山下楊素發之云秀妄述圖讖并作檄文置秀集中以聞帝曰天下寧有是邪乃廢秀爲庶人幽之內侍省竟瘐死秀在蜀頗有惠政蜀民多思之今什邛南山下有隋帝子蜀王廟

明

獻王

明太祖第十子母郭惠妃洪武四年生

生十一年封成都王讀書好善能文章太祖呼爲蜀秀才之國初日接儒生討論經史聘漢中教授方孝孺教世子延元儒清風先生楊敏俱待以賓師之禮賜田百頃發祿米贍郡教博月一石後遂沿爲舊典永樂二十一年薨諡獻所

著有獻園集

悼莊世子

名悅嫌未封而薨諡悼莊世子

靖王 名友垵 悼莊世子子末樂二十二年嗣

宣德六年薨諡靖

僖王 靖王弟宣德七年以羅江王嗣九年薨

和王 名悅僖王叔宣德十年以保寧王嗣天

順五年薨諡和

定王 和王子天順七年嗣好學循理工詩賦

善草書是年薨諡定有文集十卷

懷王 名申定王子天順八年嗣成化七年薨

諡懷

惠王 名申懷王弟成化七年以通江王嗣尊

賢禮士好學能書所製有惠園集弘治六年薨

諡惠

昭王 名貴惠王子弘治七年嗣正德三年薨

諡昭

成王 名讓昭王子正德四年嗣時昭王早逝

王年甚幼得母劉太妃之教勤於學問著有適

庵韻對長春競辰稿諸書嘉靖十七年守臣言

王賢勅賜忠孝賢良坊以示旌異嘉靖二十年

上白金助修宗廟加祿米二百石玉帶一二十六年薨

康王 名承成王子嘉靖二十六年嗣三十七年薨諡康

端王 名宣康王子嘉靖四十年嗣天姿敦厚敬神恤民每遇旱暘步禱輒雨捐料價以營文學發帑粟以賑飢民征蠻征播俱捐俸助餉事平敘功萬曆二十二年勅賜忠賢懋著坊以示旌異所製有端園集萬曆四十年十一月薨

嗣王 名奉端王子萬曆四十三年嗣崇禎丁

丑辛巳獻賊入蜀尙未攻城至甲申秋賊鋒壓境巡按劉之渤監紀同知方堯相涕泣請借餉守城王不允堯相怒憤跳入金水河以死獻賊攻成都王先數日出舍社稷壇井側聞賊入城遂投井死丘妃隨王投井宮人素馨相繼赴井死蜀人張象華詩天社星隳古社壇杜鵑聲盡石苔癩井花清冷無人汲畱得丹心萬古寒華陽王 名悅燿獻王庶長子末樂二年封初

獻王長子悅煉卒嫡孫友垵嗣位耀以尊屬謀
奪嫡走京師誣友垵仁宗怒曰悅耀虧忠孝懷
奸讒歸蜀終亂其國洪熙元年遷湖廣澧州
內江莊懿王 名友璠和王第二子正統十一
年封正德七年薨子申錫卒孫康靖王實泚嗣
泚薨子讓粉卒孫承燾嗣燾薨子恭穆王宣堦
嗣堦薨子奉釗卒次子鑿嗣
德陽喜安王 名友城和王第三子正統十一
年封成化十一年薨子恭裕王申銓嗣銓薨次

子榮康王賓澁嗣澁薨無子姪讓桔及子承煇
未封卒煇次子奉釗嗣
汶川懿簡王 名友塘和王第五子天順四年
封成化九年薨子榮康王申銷嗣銷薨子賓潼
卒次子恭僖王賓沙嗣沙薨子讓柈卒孫安惠
王承烱嗣烱薨子宣驩嗣

成都府公署考

總志州縣志合載

本府

成都府治 在省城北明末賊燬

皇清康熙二年知府冀應熊鼎修

清軍廳

糧捕廳

司獄司

俱在治內

理刑廳

今裁官署內有隨鶴堂匾

巡撫四川都察院

在成都府治東明末舊署

悉燬

皇清順治中巡撫高民瞻建康熙五年巡撫張德地

拓修轅門左創籌邊樓

巡按四川御史察院 舊在撫院右明末賊燬

皇清順治中建今裁官

四川承宣布政使司 舊在成都府治北賊燬

皇清康熙六年布政司郎廷相遷建城西

分守川西道 在舊司治內燬今裁官

四川提刑按察使司 舊署在成都府治東明

末賊燬

皇清順治中移治舊都司署康熙四年按察使李翀

霄重修

分巡川西道 在舊司治內燬今裁官

屯田驛傳道 在舊按察司治內燬今裁官

提督學政道 在成都府治東

四川都司 在府治東燬今裁官改為按察司

三司廳 一在都察院左一在察院右燬

稅課司 在舊都司東今焚燬

鹽課提舉司 舊在濯錦江東岸明萬曆中移

治遂寧縣基址改文昌宮燬

遞運所 在東門外燬

右衛 在府西三里燬今裁

中衛 在府西南七里燬今裁

前衛 在治南六里燬今裁

後衛 在治東三里燬今裁

寧川衛 在治東四里燬今裁

左護衛 在治南七里俱洪武中建

公館 州縣俱有明萬曆中於府治東西又新

建公館四今皆燬

僧綱司 在大慈寺

道紀司 在青羊宮俱燬

廣豐倉 久燬康熙二年知府冀應熊復修

廣寧倉 在貢院西燬

大有倉 在撫院左明巡撫喬璧星建燬

茶倉 在東門外燬

惠民藥局 在治東北三里

義塚地 在府城四郊明蜀藩置萬曆中布政

張文耀等捐俸買地於西南郊外各有碑石

成都縣治 在府治西賊燬壞順治十八年知
縣張行重修

僧會司 道會司 養濟院 俱燬

外州縣

溫江縣治 在正街前建木坊知府耿定向建
大門儀門各三間門內建中外具瞻坊內建治
政廳二間堂左建贊政廳三間廳前建廣濟庫
一座堂東列吏戶禮房架閣庫堂西列兵刑工
房承發鋪長房堂後建小廳三間右建花園書

房三間小廳後建寢房三間為知縣宅左右廂
房各三間宅後建衙神祠一所大門內西建迎
賓館一所儀門外東監兩層各三間以禁重犯
門額曰虎關西建廠二層各三間以收輕犯廠
後建存儒二倉共十二間儲備火白米以上自
崇禎甲申年張逆之變官民廬舍盡行焚燬
皇清順治十六年開復以來官居民舍至康熙三年
知縣蕭永芄捐俸修建大堂儀門大門各三間
如舊又建抱廳三間堂東建吏戶禮房堂西建

兵刑工房各三間堂後建小堂堂右建書房各三間又修花園一隅堂後建宅舍房三間左右建廂房六間以便僕從廚爨至康熙十九年被吳逆潰兵將堂後小廳廂房廚房書房盡行拆燬至康熙二十四年知縣王瑚捐俸陸續修建穿堂三間廚房三間廂房三間堂東吏戶禮房堂西兵刑工房各三間如舊

主簿宅 在知縣宅之東原有宅三間廳三間門一間崇禎甲申年燬

典史宅 在知縣宅之西原有宅三間廳三間門一間崇禎甲申年燬

皇清康熙二十四年典史屈逢善捐俸修建草廳三間宅舍三間左右廂房各一間

布政分司 按察分司

府館 俱在縣東門內縣治之左各建大門三間儀門三間大堂三間左右書房各三間穿堂一間左右小房各三間寢房三間崇禎甲申年俱焚燬僅存基址

安谷鋪公署 在縣東二十里大門一間扁曰
矢心入部正廳三間以備往來之上司公館也

崇禎甲申年盡燬

僧會司 舊設在城內龍迴寺

道會司 志未載

演武場 在東門外

養濟院 在城內社學街

漏澤園 在縣西楊柳河

義塚四所 舊設在四門外康熙二十四年知

縣王瑚捐俸置買義塚地二畝於北關外

新繁縣治 明弘治中重修明末燒燬康熙六

年知縣張人瑞重建

典史衙舍 在治內明末燬

分司衙門 在治內明末燬

北義倉 在治內明末燬

漢繁公館 在縣治南明正德年建今燬

陰陽學 醫學 僧會司

道會司 養濟院 俱於明末遭變燒毀無

存

金堂縣治 明正德中始修建公堂後有土臺
官舍高聳左右有兩衙舍迎賓館申明旌善亭
遭劫焚燬僅存舊基

通海鹽課司 在治東五十里今燬

濟留倉 在治內今燬

陰陽學 醫學 僧會司

道會司 養濟院 俱燬

仁壽縣治 在隆山之前邑令覃時泰建於洪

武五年歷故明二百餘年屢有增修糧捕二衙
俱列縣堂之左樓閣參差廊楹巍煥明末甲申
之變寇燼無寸木

皇清初闢守土者度民力艱難小構數椽殊無嚴肅
康熙二十二年邑令徐希聖建大堂一座二十
四年邑令裴雲錦修二門一座鼓樓一座額其
上曰古隆州後衙住房一座題其中曰清風閣
門徑庖廐悉堅樸可久

糧衙署 在縣堂左今燬

捕衙署 在縣堂右今燬

山泉鹽課司 在治南半里今燬

龍爪水驛 治北一百二十里燬

千斯倉 在治前今燬

陰陽學 醫學 僧會司

道會司 養濟院 俱燬

新都縣治 明正德間修建兵燹後焚燬無存

皇清康熙九年知縣畢成英重建

陰陽學 醫學 僧會司

道會司 廣漢驛 養濟院 俱燬

井研縣治 在鳳山前舊制俱燼僅存大門儀

門諭坊土地祠迎賓館前知縣張星燦建小舍

三層

末濟倉 在治內

陰陽學 醫學 僧會司

道會司 養濟院 俱燬

郫縣治 明洪武初建成化間重修康熙三年

知縣馮昌奕修

典史署 在縣署西隅

察院行臺 在縣治東街今廢

儲穀倉 在治內

陰陽學 醫學 僧會司

道會司 養濟院 俱燬

資縣治 舊在南門內正街設大門譙樓三間
在大門之內儀門之外明嘉靖三十四年知縣
牟舉於儀門外開復金帶舊街撤去大門及譙
樓下門欄俱為通衢以舊儀門三間改為大門

內增設儀門三間又內建約己愛民坊于甬道

之中題戒諭於上內治廳三間東為贊政廳堂

前東為吏戶禮房架閣庫西列兵刑工房承發

科鋪長房嘉靖四十四年知縣吳宗堯於正廳

後建仕學堂三間堂後又建仰思樓東為知縣

宅廳室二層左右翼以廂房廳匾曰慎獨

皇清康熙十一年知縣顏佐改仕學堂為樓五間餘

悉仍舊申明旌善二亭各三間俱在縣前今廢

監十間在儀門外西隅土地祠三間在儀門外

東隅吏舍在主簿宅前迎賓館在儀門西康熙九年以其地立常平倉三間常益庫一間先在正堂後今改建正堂西臺牆皆以石砌之主簿宅 在知縣宅東今廢

典史宅 在正堂西今存

察院行臺 在縣治左中爲正堂左右爲序前爲儀門爲大門內爲穿堂寢房翼以廂房又內爲小亭

布政分司 按察分司 二司俱在李市街

左右並列舊係山川壇明嘉靖五年知縣施一中易壇於縣東東斗觀之墟始建二司至今存之

川東道分司 在縣治之左街

府館 在川東道之右

預備倉十二間 在常益庫西

銀山鎮巡檢司 在縣東四十里今廢

羅泉鹽課司 在羅泉井離縣七十里明隆慶間鹽課徵解歸附於縣本司屬虛設今廢

珠江馬驛 在大東門街今廢

僧會司 在城內重龍寺今廢

道會司 陰陽學 醫學 今俱廢

養濟院 在城內重龍山下

漏澤園 在北街

演武場 在北門外

灌縣治 明洪武中建明末賊燬

皇清康熙五年知縣馬璣鼎修儀門頭門十一年知縣范承德新建大堂內署二十三年知縣任一

傑增修二堂

縣丞署 在縣治左今廢

典史署 在縣治右今廢

威茂驗糧廳 在縣治東今裁

蠶崖關巡檢司 在縣治西北二十里今裁

永康驛 在縣治東南一里今裁

灌縣守禦千戶所 在縣治西今裁

察院 永積倉 俱在縣治北今廢

備邊倉 備荒倉 俱在縣治北今廢

陰陽學

醫學

僧會司

道會司

養濟院

俱廢

漏澤園

在縣治東門外

義塚地

在縣治北門外

安縣治

舊署大門以內東為賓館西為禁獄

二門以內有六房正中為大堂堂後為穿堂左

有庫樓後為知縣宅明洪武間建成化中重修

賊燬康熙九年知縣吳英光照舊制重修

典史宅 在治內賓館後康熙九年修

分司署

舊有二所今燬

陰陽學

醫學

僧會司

道會司

養濟院

俱燬

內江縣治

洪武中建康熙初知縣習全史重

建舊有申明旌善二亭今燬

清軍廳

管糧廳

督捕廳

俱燬

公館

康熙五年知縣習全史於南街左文英

街置買修整

豐盈倉

在治內

棊木鎮巡檢司 在治南十里

黃市井鹽課司 在治西南二十里

安仁馬驛 在治南十里

陰陽學 醫學 僧會司

道會司 養濟院 俱燬

資陽縣治 明成化初修建獻賊焚燬無存

皇清康熙七年知縣東真修理未備十九年知縣謝文運捐修圓堂三間二十四年知縣朱廷源捐俸修建內宅三間大堂儀門六房俱廢申明亭

旌善亭亦俱廢

資陽鎮巡檢司 縣治東六十里舊連南津驛

明正德中徙建今燬

南津驛 在縣治東三十里

金牛驛 明兵備道韓擢以兩資驛遞甚遠請

建今俱燬

陰陽學 醫學 僧會司

道會司 養濟院 俱燬

簡州治 明正德八年建內倉庫六房迎賓館

儀門鼓樓俱全自兵燹後止存州堂儀門鼓樓
皇清順治辛丑年署州事劉繼引葺補康熙四年知
州王孫盛培修吳逆之變又復燒燬乙丑年知
州鄧其琰捐俸修蓋大堂一座二堂一座匾曰
景歐堂儀門一座鼓樓一座書宋人舊題天府
雄州四字二堂側構一亭另設門道以接紳士
寅僚有事會議於此匾其門曰揖澹臺匾其軒
曰風生閣二堂後苑門額曰行簡軒內宅門額
曰退思軒後寢室三楹屏垣庖廐皆堅樸可久

州同衙 在州治左明末燬

吏目衙 在州治右明末燬

察院行臺 龍泉公署 俱知州王孫盛修

布政司公署 按察司公署 石盤鋪公署

俱明末燬

陽安馬驛 在州治西一里

龍泉驛 在州治西立馬站

龍泉鎮巡檢司 在州治西七十里

上流井鹽課司 在州治北十里

永安倉 在州治內東

預備倉 在州治內西俱燬

陰陽學 醫學 僧正司

道正司 養濟院 俱燬

崇慶州治 明洪武初建成化中知州周尙文

修

皇清康熙六年知州藺開禧繕葺二十年知州吳昌

廕修鼓樓三間東閣三間即杜少陵觀梅處

濟畱倉 在治內燬

常平倉 康熙二十一年知州吳昌廕新建

公館 在州東街康熙二十年知州吳昌廕捐

俸買置

唐安驛 在州治南

清溪口巡檢司 在州治西八十里今裁

陰陽學 醫學 僧正司

道正司 養濟院 俱燬

新津縣治 舊有大堂二堂後室大堂前有聖

諭坊儀門外有迎賓館前有鼓樓門申明旌善

亭俱經劫燬無存

皇清康熙五年知縣常九經創建堂舍重門左有常

平倉右有監禁

主簿衙 在治內儀門外左

典史衙 在治內儀門外右

陰陽學 醫學 俱在縣治前

僧會司 道會司 養濟院 俱燬

漢州治 明洪武初建成化中重修

皇清康熙元年知州張萬壽營治堂署

豐積倉 在州治內今燬

廣漢驛 在州治北今燬康熙元年知州張萬

壽建治左

三木關巡檢司 在州治南十五里

分司二所 在城西北今燬基址尚存

公館一所 在州治北康熙十年知州李末純

建

常平倉 在城內

陰陽學 醫學 僧正司

道正司 俱燬

養濟院 在治東古有堂舍今廢

演武廳 在州城北鎮江橋之左北壇亦與之

並焉

漏澤園 在城西郭外

什邡縣治 明洪武中建賊燬

皇清康熙初年重建未竣二十五年知縣胡之鴻增

修告成

陰陽學 醫學 僧會司

道會司 養濟院 俱燬

綿竹縣治 明洪武中建城西南隅後丁丑己

酉兩經火變為丘墟康熙五年知縣李如樾重

創衙署一所

綿州治 明以前無考自正統初年建復數經

寇亂委為灰燼僅遺頽舍數楹

皇清康熙二十二年知州范維典捐資重為創葺

整飭安綿道 在州城內今官裁

魏城巡檢司 在州治東北七十里今官裁

古今義倉 在州治東

金山驛 在州治後

德陽縣治 明洪武中建賊燬

皇清康熙初年重建

豐盈倉 在治內

茂州治 在內城西南隅明洪武初知州于敏因土知州楊者七舊宅修建萬曆元年冬知州張化美以前署簡陋乃修建公堂寢室月臺下列皂隸房東西列六房兼收州判吏目署各列

左右儀門三楹五顯祠土地祠迎賓館監獄皆如制甲申之亂止存大堂儀門大門餘皆傾圮皇清康熙四年知州黃陞補修二堂寢室二十五年李斯佺復於二堂後捐俸創修三堂五楹大堂下左右重建六房葺五顯祠大門外移坊樹屏以壯觀瞻

捕衙署 舊署頽圯止存廳事至康熙二十四年吏目涂崇煌捐俸修葺堂後更建寢室三楹威茂道公署 舊在內城西北隅明洪武間知

州陳敏建成化間參議黃紱買都司龐福宅改
拓堂室敞備正德間副使謝朝宣置臺池亭榭
甲申亂後俱焚燬至

皇清順治間于內城東買龐指揮宅為署亦漸頽圯

都察院 在北門內之左明宣德間陳敏建弘

治間副使王恩開拓之今廢

威茂參將署 在鼓樓後之右明天順間守備

都司孫敬建今仍之

茂衛署 在東北隅明洪武間指揮吳禮建後

裁廢康熙間重修為茂叅營中軍守備公署

靜隴岳三長官司公署 俱在州治大門外明

末樂間知州劉堅建後陳敏重修今皆廢

陰陽學 醫學 俱在州治大門外今廢

僧正司 在治平寺

道正司 在延洪觀

養濟院 在護林驛右今俱廢

演武場 在東門外

靜州長官司 在治東二里

隴木長官司 在治東四十里

岳希蓬長官司 在治西五里

長寧安撫司 在治北六十里

牟托巡檢司 在治南四十里

水草坪巡檢司 在治北四十里

韓胡舍人碣 在治北三十里今廢

壘溪長官司 鬱郎長官司 俱在舊壘溪

所治內今屬州

廣備倉 在州治右知州于敏建今廢

韓胡倉 在治北三十里亦廢

椒園倉 在治北二十里

鎮戎倉 在治北十里

長安倉 在治北三十里

神溪倉 在治東四十里

松溪倉 在治北五十里

長寧倉 在治北六十里

穆肅倉 在治北七十里

實大倉 在治北八十里以上倉今俱廢

護林驛 在州治南明門外

安遠驛 在州治南五十里

長寧驛 在州治北六十里

汶川縣治 在城西北明洪武中建正德七年

改寒水驛爲縣治崇禎末年遭賊蹂躪片瓦無存

皇清初知縣張耀祖始建縣堂三楹康熙六年知縣陸洽源建大門儀門東西角門內有西宅一座三間匾曰絳雪齋廚房二間又有川堂一座三

間匾曰玉輪清署係知縣田卜昌於康熙八年建其治前有申明旌善亭今圯

典史廨 在縣治西今無存

察院行臺 在縣治東明兵備使者謝朝宣建

率然堂一座碑記一通尚存堂左有飛來石盤陀石寄傲石試劔石曬書石伏象石石上俱鐫字明舊制也

皇清康熙六年知縣陸洽源始建堂三楹大門儀門二角門規制頗宏

太平驛公館一座 徹底關公館一座

尤溪公館一座 今俱圯

陰陽學 醫學 僧會司

道會司 養濟院 今圯

威州治 坐南向北明宣德中遷州於此成化

中建置後以地址湫隘不堪正德五年知州范

淵遷建於龍洞之陽在玉壘山下至今仍舊治

前有申明旌善亭今廢

吏目署 舊在儀門內左首經獻逆亂盡廢康

熙五年知州崔元愷重建在大門內右

安遠倉 在治東廢

壩州堡倉 在州治西北二十里廢

乾溪堡倉 在州治西北五十里廢

總司 在治東知州崔元愷建

化成公署 去治西五里明知州劉瑄建今廢

守禦所治 在州治東今廢

操捕廳 在州治西今廢

陰陽學 醫學 僧正司

道正司 養濟院 俱廢

保縣治 明洪武中建末年燬

陰陽學 醫學 僧會司

道會司 養濟院 俱燬

成都府學校考

總志州縣志合載

本府

成都府儒學 在府治南漢文翁講堂遺址宋

初建明末樂間重修

皇清康熙元年巡撫佟鳳彩率僚屬捐助鼎建八年

巡撫張德地布政使金僑等捐俸鳩工增飾殿

宇週砌牆垣櫺星門外左右豎牌坊二座制度

規模煥然大備人文漸振

大益書院 在府治東北後改大儒祠今毀

成都縣儒學 在治東宋政和間建永樂間重修

外州縣

溫江縣儒學 在治西南宋咸平初建明正統

弘治中重修

皇清康熙八年知縣蕭永芄捐俸重修廟貌巍然

紫奎書院 在演武廳左崇禎年間知縣郭肇

登建

又書院一所 在城內儒學街

學田 存畱學中田六畝八分照依詳定則例

每中田一畝應納京斗租穀八斗共納京斗租

穀五石四斗四升每年收貯常平倉聽候行文

支給

新繁縣儒學 在縣治東南隅宋乾德間初建

明數修之末年燒燬康熙六年知縣張人瑞重

建正殿一座後漸增啓聖祠一間戟門三間櫺

星門三間

金堂縣儒學 在縣治東北宋嘉祐初建明洪

武元年重建知縣鄭忠增修

皇清間知縣董昱葺補

學署 在縣治東北燬

仁壽縣儒學 在縣治東南翳嘶山足宋淳化

二年建明洪武二年重修正統二年增修天啓

二年邑令翟文簡增修甲申流寇變後接續補

葺幸存殘廈康熙二十五年邑令裴雲錦捐俸

補修

聖殿一座啓聖祠一座文昌祠一座戟門一座櫺

星門一座兩廡各三間

新都縣儒學 明初建燬無存

皇清康熙二十五年知縣王祇台捐資重建

井研縣儒學 在治東南宋乾德初創建明天

順間重修正德中提學僉事劉節增修

皇清康熙三年知縣王配京繕葺

郫縣儒學 漢元和初建明隆慶時遷縣東城

外揚子雲讀書處

資縣儒學 按總志在治東宋雍熙中建明正

統中徙今所天順中重修

皇清康熙初知縣劉振基補修

社學五處 龍門社學在城隍廟前鳳山社學

在縣北銀山社學在縣東四十里狀元亭社學

在縣北一里龍水社學在龍水舊縣今俱燬

灌縣儒學 舊學在治北五代時建明洪武初

改治東城內正德中提學僉事劉節知縣胡光

增修明末賊燬

皇清康熙元年知縣馬璣始建正殿規模狹隘不足

壯觀至二十五年知縣黃俞鼎建戟門周圍宮

牆其餘若啓聖祠兩廡櫺星門明倫堂兩齋名

宦祠鄉賢祠聖域賢關坊金聲玉振坊俱廢

安縣儒學 宋熙寧初建明正統中復建徙今

所正德中增修明末燬

皇清順治中知縣吳英光重修

內江縣儒學 在縣治西南宋乾德初建紹興

嘉定間縣令鄧棐李正炎相繼修治明洪武間

因之中間燬復不一如邑令潘棠賀爵等皆漸

次修治其後年久風雨飄侵殿堂廡舍俱傾頽
腐朽至明嘉靖二十三年甲辰縣令謀於衆復
新之前有泮池池上有鴈塔二誌櫺星門內左
右經義治事兩齋上戟門進大成殿兩廡分列
後明倫堂右敬一亭左啓聖祠祠左則有教諭
官舍敬一亭前則鄉賢名宦並列右即二訓導
官舍前爲文昌宮近街建號房十二間以處寒
士自獻賊屠川後盡燬無存

皇清康熙元年知縣習全史止修大成一殿及啓聖

祠明倫堂三處復因吳逆竊川學宮荒蕪大成
殿後半梁棟傾圮椽桷朽腐明倫堂僅存數椽
啓聖祠頽脫殆盡康熙二十五年知縣徐嘉霖
集謀紳衿諏日鳩工於三月內入山伐木於四
月起工創修大門三間兩廡共一十八間大成
殿啓聖祠明倫堂凡梁棟傾頽一切腐折斷脫
者盡換之門窻屏牖如式丹堊各以法
資陽縣儒學 在縣治南宋景祐初建大殿三
間明成化正德間繼修今僅存正殿

學田 舊管學田共三畝每年共徵京斗租穀
二石二斗

簡州儒學 在治東北宋開寶初建明洪武中
復建正統中增修明末燬

皇清間知州王孫盛始葺正殿

崇慶州儒學 按州志在治東南明洪武初建
正德十一年重修獻賊屠川盡燬無存康熙六
年知州藺開禧止修大成一殿二十一年知州
吳昌蔭率舉人張象樞修東廡三間西廡三間

戟門五間鄉賢名宦祠各一間圍牆一百二十
八丈凡大成殿梁棟傾頽一切斷脫者盡換之
門窗屏牖如式

學田 共五畝共納京斗租穀三石六斗

新津縣儒學 在治東宋明道初建明洪武八
年重建成化弘治間繼修明末燬

學田 見載中學田六畝每畝應納京斗租穀
八斗見徵京斗租穀四石八斗

漢州儒學 漢陽學宮其來已久漢晉以來州

治遞遷故

文廟之修建不一自宋嘉泰中建明洪武中重建
天順五年知州李鼎增重修嘉靖中知州苗裔
昌重修末年知州王從先徐九聘等復修崇禎
八年金堂縣知縣陳正典拒賊守城復建大成
殿以及兩廡明末獻逆兵燹學宮盡為灰燼

皇清定鼎後知州張萬壽即欲重新廟貌以力有不
能所以未及修復繼後知州李永純紳衿大興
鳩工木石瓦椽俱備欲選吉日以觀厥成其奈

吳逆猖狂兵燹仍經而前功盡廢木石又成灰
燼矣至康熙十九年恢復全川州守熊可智特
捐俸金創正殿以蔽風雨其餘啓聖祠明倫堂
兩廡及鄉賢名宦諸祠所費不貲尚有待於後
之君子

南軒書院 在州城內改南軒祠今燬

什邡縣儒學 在治東宋祥符二年建明洪武

元年重建正德二年增修後賊燬無存康熙二

十一年知縣劉國璽率紳士捐修正殿二十五

年知縣胡之鴻復捐修門廡堂齋全復古制

綿竹縣儒學 按縣志宋以前創置莫考景德

初建城西南隅其間興復不一明洪武中重修

正統二年提學唐學振增修後崇禎戊寅遷於

南門內之直北前案三台後擁九龍左環馬尾

右遶白水蓋據一邑之勝地然屢遭變亂殄燬

殆盡止存正殿五間

皇清康熙八年縣令李如挺粗加整頓復因吳逆竊

據破瓦頽簷鞠為茂草至二十三年知縣徐世

法謀諸紳士鳩工庀材卜於二十四年春三月

十一日舉工創建大門三間牌樓一座補修大

成殿五間啓聖祠三間凡構櫺傾欹棟壁頽腐

者均葺之復周圍築牆百堵於本年秋七月告

成

綿州儒學 唐貞觀三年建治東明洪武初及

天順正德中皆相繼修治明末遭獻逆之變頽

圯無存變為丘墟

皇清順治年間全川收入版圖草建正殿三間

學地租 銀二兩起運布政司

學田租 穀八石存貯州倉支給廩生貧士

德陽縣儒學 在治東南宋開禧五年建明洪

武元年重建成化十二年知縣吳淑重葺今燬

皇清知縣余國樞捐修

茂州儒學 明末樂八年衛人沈連建言立學

知州劉堅即指揮徐凱宅建之宣德三年知州

陳敏以南明門外山川壇地吉移壇于南郊移

學于其地嘉靖庚戌副使胡鰲等做重慶府學

規制鼎新之萬曆庚戌改建內城之東南隅學

基見存至崇禎八年副使史贊舜捐俸買民宅

復改遷外城舊學之右建正殿兩廡戟門左右

列鄉賢名宦右建尊經閣前設講堂門二曰聚

秀曰育才泮池石橋悉如制甲申盡燬至

皇清順治十六年州守趙廷楨草建正殿三間未幾

傾圮其餘啓聖祠魁星樓尊經閣以及戟門兩

廡鄉賢名宦祠學署概未修復

社學二所 一在南明門外一在內城知州張

化美建又令東南二路隨其民居止建社學如
城市故青坡文鎮鳳毛白水梨園宗渠神溪土
門桃坪嵩坪莫不各立社學今皆廢康熙二十
四年知州李斯佺立義學二館於城內外就治
平寺靈祐宮二處延師授徒捐俸以給館穀
汶川縣儒學 在縣治南明嘉靖二年提學副
使張邦奇修建

先師殿左右兩廡前爲戟門爲石櫺星門爲泮池
東西爲義路禮門殿後建明倫堂堂後爲儒學

宅殿東爲啓聖祠爲尊經閣甲申年遭賊焚燬
順治十七年知縣張耀祖重建正殿康熙六年
知縣陸洽源始建兩廡

威州儒學 在治西門外洪武十五年建正德
初知州崔哲重遷建在今地崇禎十年知州劉
瑄修保縣儒學皆附本州後另建啓聖祠大成
殿戟門櫺星門兩廡明倫堂鄉賢祠名宦祠聖
域賢關坊金聲玉振坊二坊今廢名宦祠知州
崔元愷建

保縣儒學
明洪武中建萬曆三年重建明季
燬

皇清康熙二十四年知縣沈鱣捐俸重建

